

34-6-E-7-
SAPIENS RERVM
DOMINVS,
SIVE
DE S. IVONE
PAUPERVM ADVOCATO
ORATIO

Habita in eiusdem Templo ad Eminentissimos S. R. E. Cardinales,

AB ISIDORO RIVALDO
Seminarij Romani Clerico.



ROMÆ, Typis Hæredum Francisci Corbelletti. 1646.
SVPERIORVM PERMISSV.

THE UNIVERSITY OF CHICAGO

LIBRARY

CHICAGO, ILL.

1900

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

7
Eminentiss ac Reuerendiss. Principi

CAMILLO S.R.E.
CARD. PAMPHILIO.

ISIDORVS RIVALDVS F.



APIENTIAE patrimonium rerum esse imperium (E.P.) tua satis familia testatur, quam eò dignitatis Sapientia extulit, vt arbitraterrarum, Cœli administra, vicaria diuinitatis euaserit. Adeoque nemo me accusare iure poterit si hæc oratio, quæ IVONIS exemplo Sapiens rerum Dominus nominatur, à me tibi audacter sistitur, acceptura splendorem, dum obsequia pollicetur. Pars erit tuæ Sapientiæ fontem agnoscere, vnde tan-

ta magnitudo emanauit. Et habet hoc Sapiētia, vt neminem alium velit iudicem sui, nisi se, & quos illa supra reliqua mortalium capita, euexit. Præterea & alio nomine meam vel excuso audaciam, vel absoluo, quod Romanum Seminarium, cuius ego pars aliqua sum, quem trahit Sapiētiæ spiritum, magna ex parte accepit à Pamphilia Domo quæ Te nititur non minus imitatore Maiorum, quam virtutum herede; quamuis ea satis superque omnium animos conciliant, quæ per te nobis exhibuisti summæ argumenta beneuolentiæ; vt sanè ad ingratum animum spectaret, acceptum à Columba Oliuæ ramum, alio quam Columbe nomine inscribere. Vale diu bono publico.

ORA-



ORATIO.



NIL habet Genus Humanum,
 Sapiaientia diuinius (Eminentif-
 simi Principes); fulmen illa, &
 sceptrum Diuinitatis gerit vel
 inuita: quia humanæ impoten-
 tiæ memor, contemnit impe-
 rare hominibus, & humana ma-
 ior potentia in rerum naturam dominatur. Cum
 enim Sapiens Deo sit, simillimus, non dissimiles
 Deo mores, usurpat; decet autem more Numinis
 imperare, qui more Numinis viuunt. Artes verò
 propriæ sunt Diuinitatis Sapere, ac Dominari, neque
 licet dominari nisi Sapienti. Atque id fas mihi sit
 hodierna die perpendere laudaturo Sanctissimum

A 3 Vi-

Virum **I V O N E M**, cuius nomen accidit Naturæ
 mirabile quia Sapientis; nam quamvis hic medico
 recto vsus fuerit pro regia, lacerna pro purpura,
 palea pro folio, paupertate pro comitatu, & patien-
 tia loco Maiestatis; tamen vicit omnes potentia vi-
 res quia omnes Sapientia partes egit quasi designa-
 tus è cælo Dominus rerum, vt constaret Prouidentie
 arcanum; ne virtuti fortuna illudat, plus aliquid
 posse sapientiam, quam potentiam, neque alium à
 Natura principem adorari quàm Deum, vel homi-
 nem Deo simillimum hoc est Sapientem. Usque
 adeo benignus est in homines, ac liberalis Diuinæ
 Bonitatis genius, vt illis non modo Sapientiam affu-
 derit, sed etiam Naturæ imperium tribuerit quasi
 dotem Sapientia? Profectò si res ab **I V O N E** gestas
 audire paululum libet, affirmare constanter neces-
 se erit, hunc terrarum & Cæli tractum, Elemen-
 torum prouincias, hoc rerum quodcunque Mundi
 nomine complectimur, pertinuisse ad censum re-
 gnumque **I V O N I S** iure suo, hoc est Sapientis ubi-
 que dominantis. Itaque mirum videri non debet
 prodigium illud, quod documentum veritatis fuit,
 dum Mater eum specie gigantis concepit: quippe
 hic infans exultaturus erat vt gigas, homine scilicet
 maior, ad currendam in Sapientia stadio immensa
 potentia viam, nisi tamen supra gigantem vixit, qui
 natam è gigante pectore superbiam disiecit.

Mos

Mos est tartareo Prædoni, siue ad Gentis humanæ terrorem, siue ad ostentationem arrogantiz, seu etiam imperio Numinis scelera vlciscentis, impetum facere in homines, corpora inuadere, oppugnare animos, de statu mentes deturbare, confundere gestus & mores, & in humani corporis præda quasi hostili arce occupata, enormia vanæ dominationis terriculamenta exhibere. Iacebat ergo nescio quis tartaræ superbiæ ludibrium: diu noctuque iactabatur: & veluti æthnam, immo auernum, intus aleret, anhelabat inquietus: infensus sibi, alijs inuisus. Miseratione huius horrendæ palæstræ, quæ iam triennium lassauerat, commotus Vir sanctissimus hominem furijs agitaturn ad sese iussit adduci: statimque tartareus prædo abscessit quasi metu percussus & Dominum reueritus, excepitque superbiæ in IVOVIS aspectu fulmen suum. Quid fabulâmini, ò Poëtæ, superos eguisse fulmine, vt gigantes euerterent: hic aspectu fulminauit, non manu: siquidem hoc summæ potentiz genus est, terrorem loco fulminis iaculari.

Debilitata Styge, ac sui latè nominis in infernam ditionem terrore immisso ad aliud accessit Diuinæ potentiz grande rudimentum; ad conuellendam, videlicet humanæ audaciæ molem quam solet aliquando innixa Solio, minax sceptro auaritiæ flammis incensa, & fecunda impietatis Ambitio, altera

scilicet Alesto Terrarum, excitare in damna Religionis. Irruperat ex Aula principis in familiam, domumque Trecorensis Antistitis non parua Satellitum, Militumque manus, quæ Principis ius, ut aiebat, vindicatura, per vim & scelus, nulla Religionis habita ratione Templum inuadit, Sacra depopulatur, aurea, argenteaque Altaris ornamenta rapit, & quæque Deo dicata donaria, ut auaritiæ pretiosius gratificaretur, asportat. Dolent omnes, ac mirantur tanto licentiæ æstu Christiana pectora absorberi, sed timore attoniti non audent reclamare, verentur gladios, armatas dextras, furentes animos, principis iram, & mortem oculis obuersantem. Quid agis Heros fortissime? videsne Aras & Templum expilari? expauescis ne armatam Militum indignationem, dum superi violantur? times ne irasci hominibus, dum homines illudunt Deo? ne Religio pereat hoc auaritiæ incendium restingue vel sanguines: turpè est te custode Sacrorum diripi altaria. Quid frustra exclamo? Non timet I v o armatos homines sed planè inermis, ac nudo pectore, gnarus videlicet, se nescio quid imperij supra humanæ potentie furorē habere, occurrit Militibus, iubet ablata Templo reddi ornamenta. Milites, non aliter ac si Principis supremi præsentia imperioque coacti fuissent, statim prædam restitunt redeuntq; ad suum Principem, palam testari, aliquid inesse I v o n i plusquam

quam regium, & maiorem esse Regibus, qui Regum arma, irasque vinceret.

Sed quoniam Templi mentionem fecimus ad ea conuertamus orationem prodigia, quibus in Terram dominatus fuit. Pietatis exardescens studio in eam curam serio, constanterque incubuerat, ut Templum cuius ornamenta recuperauit, iam diuturnitate temporis ruinosum, magnificentius instauraret. Itaque cum trabes, aliaque lignorum generum edificio essent necessaria, Dynastam quemdam pietate, ac nobilitate insignem conuenit, rogatque ut sibi liceat ex ipsius Sylua opportunas construendo Templo arbores abscindere. Indulget ille, ac liberaliter postulationi assentitur. Interim cæsis arboribus ingens percrebescit murmur Ciuium, Ivonem incusantium, quod pietate abusus plus iusto in Syluam feuerit, & publica commoda offenderit. Ad-uocatur ergo à Dynasta, natumque insursum cum audisset; Adeamus, inquit, concisam, excisamque Syluam; obsequitur is cum Ciuibus, irridenti similis. Pater oculis Sylua verè truncis referta. Sed mox (mirum) iubente Ivone, spectantibus omnibus Terra ex concisis illis fractisque arborum bustis, ac reliquijs tria educit in lucem, effundit in auras, attollit in Cælum germina ramorum: & Sylua immenso additamento locupletata tot in se numerat Syluas, quot truncos numerabat.

Tan-

Tantum imperij exercuit I v o in Naturam vt non modo eam seruire, sed etiam gignere iusserit alieno tempore, more non suo.

Hanc obsequiosam Terræ indolem imitata est Aqua seruitio promptior, quo difficilior, quia nobilior. Pergebat ad Oppidum Religionis propagandæ cupidus, & animorum saluti consulturus: obstruxerat iter exuberantium vortice aquarum confusus fluuius & pontem indignatus vndarum cumulo minitabatur tumulum omnibus, qui sese propius aduoluissent: nulla spes aderat exuperande procellæ: nulla ratio conciliandi gurgitis: afflabat vehementior turbo: minacior fluctus assurgebat: nec Oceano cedebat fluuius. Quid consilij caperet homo generosæ animæ plenus? adiret? prohibebat iratus vortex. rediret? at pudebat metu aquæ ignem caritatis extinguere, expectaret? nimia permittebatur Aquæ licentia. Vtere sorte tua, impera flumini imperauit. & compresso turbine, sedato fluctu, diuisus in semitam fluuius eum admisit, atque in Oppidum transmisit: sensit enim, agnouitque Aqua in I v o n e potentiam illam vndarum dominam, quæ superstitio finxit in Neptuno, nam reuera nulli mortalium magis obediunt elementa quàm illi, qui Christi Sapienciam imitatus ventis vndisque imperat; potentia particeps, quia compos sapientiæ.

Sed non modo Aqua, verum etiam cognatum

Ele

Elementum Aër, illius dominationem & percepit,
 & eximio seruitutis officio quodammodo exornauit.
 quid enim aliud spectauit admirabilis Auis quæ in
 IVO NIS gremium complexumque sese abiciens
 nihil blanditiarum omisit, ut ei plauderet & quasi
 Domino adularetur, nisi ut legationis officio fun-
 cta vn̄uersum Aëris regnum illi offerret supplex at-
 que obnoxium? Degebat familiariter cum ea ho-
 minum turba, quæ optimi non pessimi argu-
 mentum est. Adstitit repente volucris quæ aureo,
 quæ argenteo, quæ smaragdino colore illustris: sese
 paulatim insinuat IVO NI reuerenter atque ama-
 biliter: vestem osculo libat: mox suauissimo con-
 centu suam approbat legationem. Quo spectaculo
 defixi qui aderant, hinc suauitate carminis, hinc
 nouitate rei oculos ad IVO NEM conuertunt. At
 ille tanquam legationis verba iam exceperat, annuit
 volucris, quæ officio functa, IVO NE salutato, ac suo
 blandita Domino recessit. Eant qui negant summi
 deesse aibus elementisque ingenium: certè illud
 negare non possunt Naturam esse ingeniosam in Sa-
 pientiam, à qua quicquid habet ingenij, accepit.

Et ne videar ego nimis Aëri tribuere vobis ab
 Igne percontari fas erit quæ vi adactus statim Iuo-
 nis nutui morem gesserit. Improvisa quadam scin-
 tillarū intemperie Ignis immodicus exstiuauerat,
 exhaustoque alimento in vn̄uersam domum sese
 effu-

effuderat, immò vniuersæ Vrbi fatum, exitiumque minabatur. Exiliuit Vrbs è sedibus incēdium compressura: post plurimas admotas machinas ad ignem labefactandum, ardentius incendium feruebat, & ipsa Aqua Ignis societatem amabat: Mœror & tristitia compleuerat animos cinerem, ac sepulcrum suis rebus ominâtes. Quid plura? Ipsa Vrbs quasi adornato rogo, & anticipato funere, sibi iam concremāda nœniam canebat. Aduolat Ivo: nec vlla, nisi dominantis arte adhibita, & expresso diuinæ potentia gestu, hoc est, edito Crucis signo increpuit Ignē qui ea prorsus formidine tactus, qua timore, ac ingenio abundans seruus Principi paret, incœpto destitit, flammæ extinxit, euauitque, claro documento IVO NEM esse rerum Dominum.

Cognoscitis, Auditores, quàm amplum, quàm magnificum, quàm diuinum fuerit in Stygem, in homines, in Elementa, & vniuersam Naturam, IVO NIS imperium. Utinam hac quoque oratione promere liceret quantum cœlestis ditionis idem obtinuerit, quantum apud Superos auctoritatis, quantum gratia apud Deum, noua quædam & nunquam visa scena stuporū oculis animisque obuersaretur; nec tam lucem pareret Sol iste solito lūcentior quam vmbra. Quoties enim seipso potentior, mortalitatis carcerem eludens, sublato è Terra corpore, animoque in sidera translato in cælum

lum se penetrauit suæ veluti prouinciæ rebus inter-
 futurus? Quoties Cœlum, vt ita loquar, ad se de-
 lapsus excepit? Quoties illis supra caput Solis, si-
 derumque fulgor enituit instar diadematis & Coro-
 næ? Quoties Beatæ mentes quasi comites & admi-
 nistræ imperij ad illum accessere? Deus ipse (ò rem
 omnibus sæculis admirandam) ab æternitatis em-
 porio in arumnosum angulum se deuoluens more
 hominis illum conuenit, ac spectante IVO NE in
 squalore humanitatis pompam Diuinitatis exhibuit,
 vt suffragio felicitatis approbaret quem Natura re-
 rum Dominum adoptauerat. Tanti facit Sapien-
 tiam Deus. Tanti interest Diuinitatis commenda-
 re mortalibus Sapientes, vt quæ in Deum tantum-
 modo cadit, rerum potestas, patrimonium euaserit
 Sapientis. Nimirum huc omnia Prouidentix con-
 silia referuntur, vt in homine splendor Diuinæ imi-
 tationis affulgeat; Sapientia autem radius est, quo
 splendor iste allucet. At verò quid IVO NE sapien-
 tius? qui procul rerum mortalium negotijs altissi-
 mam rerum causam constante studio contemplatus
 eò curas omnes conuerterat, cogitationes, vires, in-
 dustriam, vt in sese Numinis effigiem expingeret:
 hic enim sapientiæ scopus, hæc meta est, Deum
 imitari. Eodem theatro fruitor Sapiens, quo Deus:
 Theatrum Dei paupertas humana est. Quis igitur
 negauerit IVO NEM fuisse Sapientissimum, qui tan-

ta beneuolentia complexus fuit ut primus inter homines post Deum fuerit nuncupatus Pauperum Aduocatus. O fortunatos homines si cognoscerent quàm illustre Sapientiæ genus sit subleuare miseras egenorum fortunas. Gratulor tibi, Heros Sanctissime I v o qui post amissum primæ Innocentiæ imperium, exemplo tuo docuisti posse hominem euadere Rerum Dominum si Sapiens sit hoc est Imitator Dei, amator Pauperum.

CLAVS DEO.

